



Broj: 06-1-07-1-550-2/24  
Sarajevo, 04.06.2024. godine  
M.V.

### Izborna komisija osnovne izborne jedinice - svi

Na osnovu člana 2.9 stav (1) tačka 2. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i Pravilnika o provođenju izbora u Bosni i Hercegovini ("Službeni glasnik BiH", br. 31/24), Centralna izborna komisija Bosne i Hercegovine je dana 04.06.2024. godine, usvojila

### ODGOVORE

**na najčešće postavljena pitanja na obaveznoj edukaciji izbornih komisija osnovnih izbornih jedinica „Upoznavanje izbornih komisija sa podzakonskim aktima“ 20. – 31.05.2024. godine.**

**Pitanje:** Da li vrijeme trajanja angažmana zamjenika člana biračkog odbora utiče na visinu naknade?

**Odgovor:** Zamjenici članova biračkog odbora ostvaruju pravo na naknadu ukoliko su radili na biračkom mjestu u toku dana održavanja izbora, a što će se potvrditi uvidom u Zapisnik o radu biračkog odbora. Predsjednik biračkog odbora je dužan evidentirati u Zapisnik o radu biračkog odbora vrijeme kada je zamjenik člana pristupio radu na biračkom mjestu, a vrijeme angažmana ne utiče na visinu naknade.

**Pitanje:** Šta s koalicijama i kako to riješiti u kontekstu imenovanja biračkih odbora? Npr, koaliciju čine politički subjekti koji su osvojili mandat(e) na prethodnim izborima i partije koje nemaju osvojenih mandata.

**Odgovor:** Ovakve koalicije se tretiraju kao novi politički subjekt i kao takvi, nemaju pravo učesća u postupku žrijebanja za pozicije u biračkim odborima.

**Pitanje:** Kako da postupimo u vezi popunjavanja članstva u biračkom odboru kada su u pitanju koalicije koje se prijave pod drugim imenom i/ili se prijave bez neke članice koalicije ili drugom članicom koalicije?

**Odgovor:** U skladu sa članom 4.14. Izbornog zakona Bosne i Hercegovine, koalicija može zadržati naziv pod kojim je bila ovjerena za prethodne izbore samo ako je sačinjavaju iste političke stranke koje su bile ovjerene kao koalicija na prethodnim izborima.

Također, samo politički subjekti zastupljeni u direktno izabranom organu lokalne samouprave, a koji su dobili mandat u trenutku potvrđivanja rezultata u prethodnom ciklusu mogu učestvovati kod dodjele pozicija u biračkom odboru. Ukoliko se koalicija prijavi pod različitim imenom, a potpuno istim članicama koalicije, može učestvovati u dodjeli mjesta u biračkim odborima. Ukoliko nisu iste članice koalicije, smatra se da je to novi politički subjekt i kao takav nema pravo u dodjeli mjesta u biračkim odborima

**Pitanje:** Šta sa članovima biračkih odbora protiv koji se vodi postupak, a u vezi poništenih izbora u Srebrenici, da li je završen postupak protiv njih i da li oni mogu biti članovi biračkih odbora na narednim izborima? U slučaju da je proces u toku, kakav je stav CIK BiH po pitanju imenovanja tih lica u biračke odbore?

**Odgovor:** U biračke odbore se mogu imenovati lica protiv kojih Centralna izborna komisija BiH i/ili nadležni sud nisu izrekli sankcije.

**Pitanje:** Da li politički subjekti koji su promijenili ime, a imaju mandat u vijeću, mogu učestvovati kod dodjele mjesta u biračkim odborima?

**Odgovor:** Da, ukoliko je došlo samo do promjene imena.

**Pitanje:** Da li je ista visina naknade za predsjednike biračkih odbora na biračkim mjestima za odsustvo, nepotvrđene listiće i mobilne timove?

**Odgovor:** Centralna izborna komisije će visinu naknade za navedena biračka mjesta odrediti posebnom odlukom, ili izmjenom Odluke o naknadi za rad u biračkim odborima.

**Pitanje:** U skladu sa članom 2.19 stav (7) izbornog zakona, te članom 2 stav (1) Uputstva o žrijebanju političkih subjekata za mjesto u biračkom odboru za Lokalne izbore u Bosni i Hercegovini 2024. godine, potrebno je pojašnjenje žrijebanja subjekta u biračke odbore kada je isti ostao bez mandata, odnosno kada su politički subjekat napustili ili su isključeni iz stranke vijećnici/odbornici koji su izabrani na Lokalnim izborima 2020. godine, te je subjekt ostao bez ijednog važećeg mandata (situacija kao sa prikupljanjem izjava za oslobađanje od prikupljanja potpisa podrške). Da li i u tom slučaju politički subjekti učestvuju u žrijebanju, ukoliko su naravno uredno prijavljeni za Lokalne izbore 2024. godine?

**Odgovor:** Samo politički subjekti zastupljeni u direktno izabranom organu lokalne samouprave, a koji su dobili mandat u trenutku potvrđivanja rezultata u prethodnom ciklusu mogu učestvovati kod dodjele pozicija u biračkom odboru. U ovom slučaju, politički subjekt koji je osvojio mandat može učestvovati u dodjeli mjesta u biračkim odborima.

**Pitanje:** Članovi savjeta MZ su imenovani od strane političkih partija, nisu izabrani na izborima za savjete MZ. Da li oni mogu potpisati Izjavu propisanu Pravilnikom o postupku imenovanja i razrješenja biračkih odbora, u članu 8 stav (3)

**Odgovor:** Kandidat za predsjednika na sopstvenu odgovornost, pod punom materijalnom i krivičnom odgovornošću potpisuje izjavu i ovjerava je kod nadležnog općinskog organa ili kod izborne komisije osnovne izborne jedinice.

Dostavljeno:

-Izbornim komisijama osnovnih  
izbornih jedinica u BiH

